



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 50 DE SU 15/03/2023

OGETU: APROVATZIONI PROGETU DE FATIBILIDADI TÈCNICA E ECONÒMICA DE IS TRABALLUS PO SU FRÀIGU DE UN' EDIFÌTZIU PO SA SCOLA DE S'INFÀNTZIA IN LOCALIDADI RESIDENZA DEL SOLE - CUP G45E21000050006. D.M.343/2021-PNRR M.4-C.1-INV.1.1.

S' annu 2023, su 08 de su mesi de Martzu a ora de is 12.30, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi sighint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### **Bius:**

- su regulamentu (UE) n. 2021/241 de su 12 de friàrgiu 2021, chi at istituui su Dispositivu po sa Ripresa e sa Resilièntzia;
- su Pianu Natzionali de Ripresa e Resilièntzia (PNRR), aprovau de su Consillu ECOFIN de su 13 de su mesi de argiolas 2021;
- su decretu de su Ministru de s'economia e de is finàntzias 6 de austu 2021, cun s' "Assinnatzioni de is resursas finanziàrias previdias po s'atuatzioni de is interventus de su Pianu natzionali de ripresa e resilièntzia (PNRR) e partzidura de is obietivus po scadèntzias semestralis de rendicontatzioni";
- su decretu de su Ministru de s'istrutzioni, paris cun su Ministru de s' economia e de is finàntzias 21 de cabudanni 2021, n. 284, cun s'istitutzioni de una Unidadi de missioni de livellu dirigenziali generali po s'atuatzioni de is interventus de su Pianu natzionali de ripresa e resilièntzia de su Ministeru de s'istrutzioni;
- su decretu de su Ministeru de s'Istrutzioni n. 343 de su 02.12.2021 po sa definitzioni de is critèrius de partzidura, po cada regioni, de is resursas de su Pianu natzionali de ripresa e resilièntzia e de is maneras po sceberai is interventus;
- s'avisu pùblicu, prot. n. 48047 de su 2 de idas 2021, po sa presentazioni de propostas po cumpriri struturas a destinazioni asilus niu e scolas de infàntzia, cun finanziamentu cunforma a su PNNR, Missioni 4 – Istrutzioni e Circa – Cumponenti 1 - Afortiamentu de s'offerta de is servìtzius de istrutzioni: de is asilus niu a is Unversidadis - Investimentu 1.1: "Pianu po asilus niu e scolas de s'infàntzia e servìtzius de educatzioni po sa primu infàntzia", finanziau de s'Unioni europea – Next Generation EU;

**Ca** su Comunu de Cabuderra at pigau parti a s' avisu presentendi sa proposta po "Fràigu de una scola de s'infàntzia in localidadi Residenza del sole" - CUP G45E21000050006;

**Biu** su decretu de su Ministeru de s'Istrutzioni n. 57 de s'8.09.2022 chi at aprovau is graduatòrias chi pertocant s'avisu pùblicu prot. n. 48047 de su 2 de idas 2021;

**Bida** sa graduatòria (ligòngiu 3 – Infàntzia decretu 57/2022) chi pertocat s' Avisu pùblicu prot. n. 48047 de su 2 de idas 2021, innui arresurtat ca su Comunu de Cabuderra est beneficiàriu de su finanziamentu de € 1.615.000,00, po sa scola de s'infàntzia in localidadi Residenza del sole, CUP G45E21000050006;

**Biu** s'Acòrdiu de cuntzessioni de finanziamentu e santzionis n. 235454, prot. n. 89967 de su 24/10/2022, CUP G45E21000050006, intra de su Ministeru de s'istrutzioni e su Comunu de Cabuderra, po sa scola de s'infàntzia in localidadi Residenza del sole;

**Biu** s'Addendum a s'acòrdiu de cuntzessioni de finanziamentu n. 264675, prot. n. 1667 de su 10.01.2023, intra de su Ministeru de s'istrutzioni e su Comunu de Cabuderra, po sa scola de s'infàntzia in localidadi Residenza del sole;

---

**Postu chi s' interventu est ainturu in su programa triennali de is traballus pùblicos 2022-2024, aprovau de su Consillu Comunali cun sa deliberatzioni n. 65 de su 05.08.2022, e in su programa triennali 2023-2025 chi s'est aprovendi;**

**Bida** sa determinatzioni n. 1394 de su 23/12/2022 chi at afidau s'incàrrigu de progetatzioni de s'òpera a s'Ing. Riccardo Auteri;

**Biu** su progetu de fatibildadi tècnica e econòmica cun is documentus afatantis:

Elaboraus Analiticus

- ✓ - A. Relata tècnica
- ✓ - B. Cuadru econòmicu
- ✓ - C. Càculu de su gastu
- ✓ - D. Inditus e measuras po is pianus de seguresa e de coordinamentu cunforma a s'art. 100 de su decretu legislativu 9 de abrilu 2008, n. 81;
- ✓ - H. Relata archeològica;
- ✓ - I. Relata "Do Not Significant Harm" (DNSH)

Elaboraus Gràficus

- ✓ - 1. Incuadramentu urbanu
- ✓ - 3.01. Planimetria generali
- ✓ - 3.02. Pranta pranu paris a terra
- ✓ - 3.03. Setzionis
- ✓ - 3.04. Prospetus
- ✓ - 3.05. Rendering

**Biu** su cuadru econòmicu;

**Cunsiderada** sa determinatzioni n. 241 de su 09.03.2023, chi at aprovau s'atu de validatzioni de su pròpiu progetu de fatibildadi tècnica e econòmica, stèrriu de su RUP Ing. Enrico Concas;

**Stabiliu** ca in su bilàntziu de previsionis 2023-2025 funt a disponimentu is resursas in su capìtulu n. 1245102, po sa scola de s'infàntzia in localidadi Residenza del sole - CUP G45E21000050006, òpera finantziada cun fundus de su cali a su D.M.343/2021-PNRR M.4-C.1-INV.1.1.;

**Ca** no serbit varianti peruna;

**Stabiliu** chi po custa òpera no serbit protzedura de spodessimentu;

**Biu** su D.Lgs. 18 de abrilu 2016, n. 50: "Còdixi de is Cuntratus Pùblicos";

**Biu** su d.P.R. 5 de ladàmini 2010, n. 207: "Regulamentu de esecutzioni e atuatzioni de su Decretu Legislativu 12 de abrilu 2006, n. 163";

**Biu** su D.Lgs. 18 de austu 2000, n. 267: "Testu ùnicu de is leis asuba de s'ordinamentu de is entis localis";

**Biu** su statutu comunali;

---

**Arriciu** parri a favori de regularidadi tècnica cunforma a s'art. 49, c. 1, de su D.Lgs. n. 267/2000, de parti de sa Responsàbili de su Setori Traballus Pùblicus;

**Arriciu** parri a favori po su chi spetat regularidadi contàbili segundu s'art. 49, c. 1, de su D.Lgs. n. 267/2000, de sa Responsàbili de su Setori Finantziàriu;

Cun votazioni a totòmini e a favori,

## DELÌBERAT

**De aprovai** su progetu de fatibidadi tècnica e econòmica, stèrriu de s'Ing. Riccardo Auteri, po fraigai sa scola de s'infàntzia in localidadi Residenza del sole - CUP G45E21000050006, òpera finantziada cun fundus de su D.M.343/2021-PNRR M.4-C.1-INV.1.1., cun is documentus chi s'inghint:

Elaboraus Analiticus

- ✓ - A. Relata tècnica
- ✓ - B. Cuadru econòmicu
- ✓ - C. Càculu de su gastu
- ✓ - D. Inditus e measuras po is pianus de seguresa e de coordinamentu cunforma a s'art. 100 de su decretu legislativu 9 de abrili 2008, n. 81;
- ✓ - H. Relata archeològica;
- ✓ - I. Relata "Do Not Significant Harm" (DNSH)

Elaboraus Gràficus

- ✓ - 1. Incuadramentu urbanu
- ✓ - 3.01. Planimetria generali
- ✓ - 3.02. Pranta pranu paris a terra
- ✓ - 3.03. Setzionis
- ✓ - 3.04. Prospetus
- ✓ - 3.05. Rendering

**De aprovai** su cuadru econòmicu de su progetu;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---